



## KOMUNIKADU BA IMPRENSA

*Komunikado iha :*

*07 Julho 2010*

### **DIRECÇÃO NACIONAL DE TERRAS, PROPRIEDADES E SERVIÇOS CADASTRAIS (DNTPSC) HAMUTUK HO PROGRAMA ITA NIA RAI HALAO LEVANTAMENTU BA DADUS KONA-BA RAI HO GRATUITU.**

Ohin loron, 07 Julhu 2010, Governu Timor – Leste (DNTPSC) Direcção Nacional de Terras, Propriedades e Serviços Cadastrais, hamutuk ho programa “Ita Nia Rai” (INR) hakarak informa ba publiku katak:

“Karik iha ema ruma mai iha ita bo’ot sira nia hela fatin ka uma ou comunidade nia let, lori Direcção Nacional de Terras Propriedades e Serviços Cadastrais nia naran ka projetu Ita Nia Rai, hodi husu osan atu prosesa sertifikadu na’in ba rai, ida ne’e falsu”.

Tan ne’e ami husi DNTPSC no Programa INR, informa ba populasun ne’ebe namakari iha rai doben Timor – Leste nia laran tomak katak; to’o agora seidak iha prosesu atu fo sertifikadu ba rai. Agora foin iha prosesu foti dadus ba ema no parcela rai. Dadus ne’e sei entrega ba Governu/DNTPSC husi Projeitu Ita Nia Rai. Prosesu ida ne’e voluntariu no gratuitu/gratis, la selu osan, ema la presiza selu hodi fo dadus ka fo sertifikadu ba rai.

Karik ita bo’ot hasoru ema ne’ebe husu osan atu foti dados kona-ba rai, halo favor hato’o ba Ministério da Justiça, liu husi Direcção Nacional de Terras Propriedades e Serviços Cadastrais, Projeitu Ita Nia Rai ka PNTL. Atu hetan informasaun klaru liu tan, halo favor kontaktu **+670 3331289**

Programa Ita Nia Rai ho durasaun tinan Lima (2007 – 2012) hetan fundus husi Governu Amerikano liu hosi USAID, hodi tulun Governu Timor-Leste atu asegura direitu ba rai no propriedade iha Timor-Leste. Servisu hamutuk ho DNTPSC (Ministério da Justiça), programa ida ne’e, atu fo assistensia téknika no suporta regulamentu ba dezvoltamentu sustentavel no transparente ba sistema administrasaun rai iha Timor-Leste. Dadaun ne’e prosesu foti dadus kona-ba rai hala’o ona iha Capital Distritu Aileu, Baucau, Bobonaro, Liquiça, Manatuto, Oecusse, Dili, Lautem, Ainaro no Distritu Covalima.

- Remata-

**HAMETIN DIREITU DA PROPRIEDADE IHA TIMOR-LESTE  
Balide/Bebora, Dili, Timor-Leste**

*Atu hatene liu tan informasaun bele kontaktu:*

*Cecilia Gonçalves*

*TL:+670 7304325*

*E-mail: [CGoncalves@sprtl.tl](mailto:CGoncalves@sprtl.tl)*

*Cristiana X.Belo*

*TL:+670 7304327*

*E-mail: [CBelo@sprtl.tl](mailto:CBelo@sprtl.tl)*